



Senada Požegića broj 6., 75260 Kalesija tel/ fax : + 387 35 368-200 ; 368-214; e-mail: jzudomzdravlja_k@live.com

Broj: 16-231-1/20

Datum: 26.02.2020. godine

Medijima na području općine Kalesija

PREDMET: Saopštenje za javnost povodom širenja koronavirusa

Na području Federacije BiH do sada nije registriran nijedan sumnjiv ili pozitivan slučaj bolesti izazvane novim koronavirusom (COVID-19). Međutim, epidemiološka situacija u svijetu se jako brzo mijenja te se pojava COVID-19 može očekivati i u Federaciji, odnosno Bosni i Hercegovini.

U FBiH se u skladu sa preporukama Svjetske zdravstvene organizacije (SZO), a po Naredbi Kriznog štaba Federalnog ministarstva zdravstva (FMZ) provode mjere pojačanog epidemiološkog nadzora na graničnim prijelazima, ali i unutar FBiH, s ciljem ranog otkrivanja potencijalnih slučajeva COVID-19, kako bi se kroz kontrolu osoba s kojima su bili u kontaktu poduzimale mjere za dalje sprječavanje širenja virusa.

Pozivamo sve bh. i strane državljane koji imaju stalni ili privremeni boravak u FBiH, a koji su se unazad sedam dana vratili u BiH iz Italije, Južne Koreje i Irana da se putem telefona, bez obzira da li imaju simptome bolesti ili ne, jave svom nadležnom kantonalnom zavodu za javno zdravstvo radi savjetovanja o dalnjem postupanju, te da ostanu u kućnoj samoizolaciji. U slučaju pojave simptoma respiratorne bolesti (povišena temperatura, kašalj, otežano disanje) trebaju telefonom odmah obavijestiti kantonalni zavod za javno zdravstvo ili hitnu pomoć.

U cilju sigurnosti učenika i nastavnika preporučuje se otkazivanje ekskurzija i organiziranih školskih putovanja u Italiju.

Takođe, svim građanima se preporučuje izbjegavanje putovanja u Kinu, Italiju, Južnu Koreju i Iran.

Želimo istaknuti da je za adekvatan odgovor na pojavu novog koronavirusa u našoj zemlji potrebna maksimalna odgovornost, saradnja i zajedništvo kako zdravstvenih institucija i ustanova, tako i drugih javnih institucija na svim nivoima vlasti, medija, kao i svakog građanina pojedinačno.

S tim u vezi, podsjećamo na generalne preporuke za stanovništvo za smanjenje rizika od akutnih respiratornih i drugih infekcija (poput gripe) čija je sezona u toku, a koje se odnose i na smanjenje rizika od novog koronavirusa i kojih se treba pridržavati :

- Često prati ruke korištenjem vode i sapuna (najmanje 20 sekundi) ili sredstvima za čišćenje ruku na bazi alkohola
- Prilikom kašljanja ili kihanja pokriti usta i nos unutarnjom stranom lakta ili jednokratnom maramicom baciti maramicu odmah nakon korištenja i oprati ruke
- Izbjegavati dodirivati oči, nos i usta neopranim rukama.



Javna zdravstvena ustanova Dom Zdravlja Kalesija

ID broj: 4209059210000 PDV broj: 209059210000 Broj Rješenja: 032-0-Reg-11-000911

Transakcijski račun: 1321400303680022 NLB Tuzlanska banka D.D. Tuzla, filijala Kalesija



Senada Požegića broj 6., 75260 Kalesija tel/ fax : + 387 35 368-200 ; 368-214; e-mail: jzudomzdravlja_k@live.com

- Izbjegavati blizak kontakt sa osobama koje imaju povišenu temperaturu, kašju i otežano dišu.
- Potrebno je držati distancu od najmanje jedan metar između vas i drugih ljudi, posebno onih koji kašju, kišu i imaju povišenu temperaturu.
- Ukoliko imate povišenu temperaturu, kašljete i otežano dišete, potražite medicinsku pomoć, a prethodno telefonskim putem zdravstvenom radniku naglasite historiju putovanja.

Više informacija o novom koronavirusu, te druge preporuke za stanovništvo i zdravstvene radnike dostupni su na web stranicama Federalnog ministarstva zdravstva i Zavoda za javno zdravstvo FBIH kao i na web stranici Doma Zdravlja Kalesija na www.dzkalesija.ba

Dostavljeno:

- Naslovu
- a/a /


/dr. Muhamed Osmanović spec.pneumoftiziolog/


Direktor